

旅行诗句

1.
水光潋滟晴方好，山色空蒙雨亦奇。欲把西湖比西子，淡妆浓抹总相宜。
。——苏轼《饮湖上初晴后雨》

2.
朝辞白帝彩云间，千里江陵一日还。两岸猿声啼不住，轻舟已过万重山。
。——李白《早发白帝城》

3.
毕竟西湖六月中，风光不与四时同。接天莲叶无穷碧，映日荷花别样红。
。——杨万里《晓出净慈送林子方》

4.
远游越山川，山川修且广。振策陟崇丘，安辔遵平莽。夕息抱影寐，朝徂衔思往。顿辔倚高岩，侧听悲风响。清露坠素辉，明月一何朗。抚枕不能寐，振衣独长想。——陆机《赴洛道中作》

5.
黄尘吹不到禅房，窗纸风翻叶叶凉。触热行来牵昼梦，孤篷听雨下潇湘。
。——严粲《午憩僧房》

6.
早闻凌云彩，谓在鸳鹭俦。华发始相遇，沧江仍旅游。策名忘苟进，澹虑轻所求。常服远游诫，缅怀经世谋。片帆背风渚，万里还湘洲。别望荆云积，归心汉水流。兰苕行采采，桂棹思悠悠。宿昔无机者，为君动离忧。——皎然《送张彝归长沙》

7.

半月陪杖履，此别情讵忘。平生两知心，踪迹长相望。兹游天相之，檐雨对夜床。旅行得心朋，在客如家乡。如何遽此去，泛彼天台航。知君爱奇观，赤城有霞光。恍逢五百尊，问我今行藏。诗骨瘦未改，双鬓尘已苍。——利登《别游天台云卧往》

8.
北山有芳杜，靡靡花正发。未及得采之，秋风忽吹杀。君不见拂云百丈青松柯，纵使秋风无奈何。四时常作青黛色，可怜杜花不相识。——岑参《感遇》

9.
太乙近天都，连山接海隅。白云回望合，青霭入看无。分野中峰变，阴晴众壑殊。欲投人处宿，隔水问樵夫。——王维《终南山》

10.
芳原绿野恣行事，春入遥山碧四围。兴逐乱红穿柳巷，困临流水坐苔矶。莫辞盏酒十分劝，只恐风花一片飞。况是清明好天气，不妨游衍莫忘归。——程颢《郊行即事》

11.
天门中断楚江开，碧水东流至此回。两岸青山相对出，孤帆一片日边来。——李白《望天门山》

12.
朱雀桥边野草花，乌衣巷口夕阳斜。旧时王谢堂前燕，飞入寻常百姓家。——刘禹锡《乌衣巷》

13.
三月桃花浪，江流复旧痕。朝来没沙尾，碧色动柴门。接缕垂芳饵，连筒灌小园。已添无数鸟，争浴故相喧。——杜甫《春水》

14.
西塞沿江岛，南陵问驿楼。湖平津济阔，风止客帆收。去去怀前浦，茫茫泛夕流。石逢罗刹碍，山泊敬亭幽。火炽梅根冶，烟迷杨叶洲。离家

复水宿，相伴赖沙鸥。——孟浩然《夜泊宣城界》

15.

花开红树乱莺啼，草长平湖白鹭飞。风日晴和人意好，夕阳箫鼓几船归。
。——徐元杰《湖上》

16.

春日游，杏花吹满头。陌上谁家年少，足风流。妾拟将身嫁与，一生休。
。纵被无情弃，不能羞。——韦庄《思帝乡·春日游》

17.

旅行虽别路，日暮各思归。欲下今朝泪，知君亦湿衣。——李端《客行
赠冯著》

18.

晨起动征铎，客行悲故乡。鸡声茅店月，人迹板桥霜。槲叶落山路，枳
花明驿墙。因思杜陵梦，凫雁满回塘。——温庭筠《商山早行》

19.

白日依山尽，黄河入海流。欲穷千里目，更上一层楼。——王之涣《登
鹳雀楼》

20.

孤山寺北贾亭西，水面初平云脚低。几处早莺争暖树，谁家新燕啄春泥。
。乱花渐欲迷人眼，浅草才能没马蹄。最爱湖东行不足，绿杨阴里白沙
堤。——白居易《钱塘湖春行》

21.

燕子呢喃，景色乍长春昼。睹园林、万花如绣。海棠经雨胭脂透。柳展
宫眉，翠拂行人首。向郊原踏青，恣歌携手。醉醺醺、尚寻芳酒。问牧
童、遥指孤村道：“杏花深处，那里人家有。”——宋祁《锦缠道·燕
子呢喃》

22.

峨眉山月半轮秋，影入平羌江水流。夜发清溪向三峡，思君不见下渝州。
。——李白《峨眉山月歌》

23.

中岁颇好道，晚家南山陲。兴来每独往，胜事空自知。行到水穷处，坐看云起时。偶然值林叟，谈笑无还期。——王维《终南别业》

24.

滕王高阁临江渚，佩玉鸣鸾罢歌舞。画栋朝飞南浦云，珠帘暮卷西山雨。闲云潭影日悠悠，物换星移几度秋。阁中帝子今何在？槛外长江空自流。——王勃《滕王阁诗》

25.

此心非一事，书札若为传。旧国别多日，故人无少年。空巢霜叶落，疏牖水萤穿。留得林僧宿，中宵坐默然。——贾岛《旅游》

26.

清川带长薄，车马去闲闲。流水如有意，暮禽相与还。荒城临古渡，落日满秋山。迢递嵩高下，归来且闭关。——王维《归嵩山作》

27.

逻人横鸟道，江祖出鱼梁。水急客舟疾，山花拂面香。——李白《秋浦歌》

28.

青山隐隐水迢迢，秋尽江南草未凋。二十四桥明月夜，玉人何处教吹箫？——杜牧《寄扬州韩绰判官》

29.

山窗游玉女，涧户对琼峰。岩顶翔双凤，潭心倒九龙。酒中浮竹叶，杯上写芙蓉。故验家山赏，惟有风入松。——武则天《游九龙潭》

30.

清明节，雨晴天，得意正当年。马骄泥软锦连乾，香袖半笼鞭。花色融

，人竟赏，尽是绣鞍朱鞅。日斜无计更留连，归路草和烟。——薛昭蕴
《喜迁莺·清明节》

31.

清娥画扇中，春树郁金红。出犯繁花露，归穿弱柳风。马骄偏避幟，鸡
骇乍开笼。柘弹何人发，黄鹂隔故宫。——温庭筠《清明日》

32.

病起萧萧两鬓华，卧看残月上窗纱。豆蔻连梢煎熟水，莫分茶。枕上诗
书闲处好，门前风景雨来佳。终日向人多酝藉，木犀花。——李清照《
摊破浣溪沙》

33.

好风胧月清明夜，碧砌红轩刺史家。独绕回廊行复歇，遥听弦管暗看花
。——白居易《清明夜》

34.

来龙去脉绝无有，突然一峰插南斗。桂林山水奇八九，独秀峰尤冠其首
。三百六级登其巅，一城烟水来眼前。青山尚且直如弦，人生孤立何伤
焉？——袁枚《独秀峰》

35.

冷空淡碧，带翳柳轻云，护花深雾。艳晨易午。正笙箫竞渡，绮罗争路
。骤卷风埃，半掩长蛾翠妩。散红缕。渐红湿杏泥，愁燕无语。乘盖争
避处。就解佩旗亭，故人相遇。恨春太妒。溅行裙更惜，凤钩尘污。酹
入梅根，万点啼痕暗树。峭寒暮。更萧萧、陇头人去。——吴文英《扫
花游·西湖寒食》

36.

昨夜寒蛩不住鸣。惊回千里梦，已三更。起来独自绕阶行。人悄悄，帘
外月胧明。白首为功名。旧山松竹老，阻归程。欲将心事付瑶琴。知音
少，弦断有谁听？——岳飞《小重山》

37.

日照香炉生紫烟，遥看瀑布挂前川。飞流直下三千尺，疑是银河落九天。
。——李白《望庐山瀑布》

38.

辛夷才谢小桃发，蹋青过后寒食前。四时最好是三月，一去不回唯少年。
。——韩偓《三月》

39.

一别都门三改火，天涯踏尽红尘。依然一笑作春温。无波真古井，有节是秋筠。惆怅孤帆连夜发，送行淡月微云。樽前不用翠眉颦。人生如逆旅，我亦是行人。——苏轼《临江仙·送钱穆父》

40.

湖光秋月两相和，潭面无风镜未磨。遥望洞庭山水翠，白银盘里一青螺。
。——刘禹锡《望洞庭》

41.

蘋叶软，杏花明，画船轻。双浴鸳鸯出绿汀，棹歌声。春水无风无浪，春天半雨半晴。红粉相随南浦晚，几含情。——和凝《春光好·蘋叶软》

42.

南园春半踏青时，风和闻马嘶。青梅如豆柳如眉，日长蝴蝶飞。花露重，草烟低，人家帘幕垂。秋千慵困解罗衣，画堂双燕归。——欧阳修《阮郎归·南园春半踏青时》

43.

闲情兼嘿语，携杖赴岩泉。草绿萦新带，榆青缀古钱。鱼床侵岸水，鸟路入山烟。还题平子赋，花树满春田。——王勃《春日还郊》

44.

昔人已乘黄鹤去，此地空余黄鹤楼。黄鹤一去不复返，白云千载空悠悠。晴川历历汉阳树，芳草萋萋鹦鹉洲。日暮乡关何处是？烟波江上使人愁。——崔颢《登黄鹤楼》

45.

月落乌啼霜满天，江枫渔火对愁眠。姑苏城外寒山寺，夜半钟声到客船。
——张继《枫桥夜泊》

46.

岱宗夫如何，齐鲁青未了。造化钟神秀，阴阳割昏晓。荡胸生层云，决眦入归鸟。会当凌绝顶，一览众山小。——杜甫《望岳》

47.

小桃枝下试罗裳，蝶粉斗遗香。玉轮碾平芳草，半面恼红妆。风乍暖，日初长，袅垂杨。一双舞燕，万点飞花，满地斜阳。——陈子龙《诉衷情·春游》

48.

空山新雨后，天气晚来秋。明月松间照，清泉石上流。竹喧归浣女，莲动下渔舟。随意春芳歇，王孙自可留。——王维《山居秋暝》

49.

拆桐花烂漫，乍疏雨、洗清明。正艳杏烧林，缃桃绣野，芳景如屏。倾城。尽寻胜去，骤雕鞍绀幃出郊坰。风暖繁弦脆管，万家竞奏新声。盈盈。斗草踏青。人艳冶、递逢迎。向路傍往往，遗簪堕珥，珠翠纵横。欢情。对佳丽地，信金罍罄竭玉山倾。拚却明朝永日，画堂一枕春醒。
——柳永《木兰花慢·拆桐花烂漫》

50.

调雨为酥，催冰做水，东君分付春还。何人便将轻暖，点破残寒。结伴踏青去好，平头鞋子小双鸾。烟郊外，望中秀色，如有无间。晴则个，阴则个，亘钉得天气，有许多般。须教镂花拨柳，争要先看。不道吴绫绣袜，香泥斜沁几行斑。东风巧，尽收翠绿，吹在眉山。——王观《庆清朝慢·踏青》

51.

丞相祠堂何处寻，锦官城外柏森森。映阶碧草自春色，隔叶黄鹂空好音。三顾频频天下计，两朝开济老臣心。出师未捷身先死，长使英雄泪满

襟。——杜甫《蜀相》

52.

黄绶在腰下，知君非旅行。将书报旧里，留褐与诸生。赠别尽沽酒，惜欢多出城。春风济水上，候吏听车声。——张籍《送人任济阴》

53.

忙着征衣快着鞭，回头月挂柳梢边。两三点露不成雨，七八个星犹在天。——朱元璋《拂晓行军诗》

54.

暖日迟迟花袅袅。人将红粉争花好。花不能言惟解笑。金壶倒。花开未老人年少。车马九门来扰扰。行人莫羨长安道。丹禁漏声衢鼓报。催昏晓。长安城里人先老。——欧阳修《渔家傲·暖日迟迟花袅袅》

55.

众鸟高飞尽，孤云独去闲。相看两不厌，只有敬亭山。——李白《独坐敬亭山》

56.

梨花风起正清明，游子寻春半出城。日暮笙歌收拾去，万株杨柳属流莺。——吴惟信《苏堤清明即事》

57.

旅行宜早发，况复是南归。月影缘山尽，钟声隔浦微。星残萤共映，叶落鸟惊飞。去去渡南渚，村深人出稀。——赵嘏《晓发》

58.

客念纷无极，春泪倍成行。今朝花树下，不觉恋年光。——王勃《春游》

59.

春来物物尽欣怡，不到人间寒自眉。愿得清时同贞观，旅行终日不忧饥。——陈宓《感春》

60.

朝发广莫门。暮宿丹水山。左手弯繁弱。右手挥龙渊。顾瞻望宫阙。俯仰御飞轩。据鞍长叹息。泪下如流泉。系马长松下。废鞍高岳头。——刘琨《扶风歌》

61.

转蓬劳远役，披薜下田家。山形类九折，水势急三巴。悬梁接断岸，涩路拥崩查。雾岩沦晓魄，风湫涨寒沙。心迹一朝舛，关山万里赊。龙章徒表越，闽俗本殊华。旅行悲泛梗，离赠折疏麻。唯有寒潭菊，独似故园花。——骆宾王《晚憩田家》

62.

欲寻轩槛列清尊，江上烟云向晚昏。须倩东风吹散雨，明朝却待入华园。——张旭《春游值雨》

本文链接：<https://duanjuziku.com/duanjuzi/ya1050bnac.html>